



XUNTA DE GALICIA  
XURADO PROVINCIAL DE CLASIFICACIÓN  
DE MONTES VECIÑAIS

BENITO CORBAL 47 - 5.<sup>º</sup>  
TELEF. 996 805 335 - 996 805 435  
36071 - PONTEVEDRA



REGISTRO DE MONTES VECIÑAIS  
EN MAN COMÚN  
PONTEVEDRA  
COTEXADO, É CONFORME CO ORDINAL

Data 2 | SEP 2004  
O FUNCIONARIO ENCARGADO

O Xurado Provincial de Clasificación de Montes veciñais de Pontevedra, dictou a seguinte **RESOLUCIÓN**:

#### ASISTENTES

##### PRESIDENTE

D. José A. López Rodríguez  
(Delegado Provincial da Consellería de Medio Ambiente)

##### VOCALIS

Dn. Alfonso Castro Carrera  
(Avogado do colexio da provincia)  
D. Manuel Francisco Gutierrez  
(Xefe do Servizo de Montes e Industrias Forestais)  
D. Luis M<sup>º</sup> Muíños Vidueira  
(Letrado da Asesoría Xurídica da Xunta)

##### VOCALIS REPRESENTANTES DO LUGAR DE PAZOS, CONCELLO DE PONTECALDELAS

D. Alberto Lema Couso  
Dna. Consuelo Custodio Boulloso

##### SECRETARIA

Dna. Pilar Pita Ponte  
(Xefa de Sección do Servizo Técnico-Xurídico da Delegación de Medio Ambiente)

Na cidade de Pontevedra, sendo as dezasete horas do día vinteoito de abril do 2004, coa asistencia das persoas ó marxe reseñadas, reúnese na 3<sup>ª</sup> planta do edificio sito no n<sup>º</sup> 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación do monte "Freixoeiro" do lugar de Pazos do concello de Pontecaldelas.

#### ANTECEDENTES DE FEITO

**PRIMEIRO.-** Con data 1 de outubro de 1999, D. Celso Freire Castiñeira, no nome e representación da CMVMC de Pazos solicitou a clasificación como veciñais en man común dos montes "Freixoeiro" e outros do lugar de Pazos, parroquia de Caldelas, do concello de Pontecaldelas.

En data 27/01/00, o representante da CMVMC de Pazos presentou escrito polo que ven a solicitar unicamente a clasificación do monte "Freixoeiro", renunciando á clasificación dos outros montes citados no seu escrito anterior.

**SEGUNDO.-** En data 25 de abril de 2000 o Servizo de Montes e Industrias Forestais emitiu informe previo, constatando o aproveitamento polos veciños.



XUNTA DE GALICIA  
XURADO PROVINCIAL DE CLASIFICACIÓN  
DE MONTES VECIÑAIS

BENITO CORBAL, 47 - 5º  
TELEF: 906 805 335 - 906 805 436  
36071 - PONTEVEDRA



REGISTRO DE MONTES VECIÑAIS  
EN MAN COMÚN  
PONTEVEDRA  
COTEXADO É GOBERNADO POR O XURADO PROVINCIAL  
Data: 21 SEP 2004  
O FUNCIONARIO ENCARGADO

**TERCEIRO.-** Na sesión do 8 de febreiro de 2002, o Xurado acordou inicia-los trámites para a clasificación do monte antedito, nomear instrutora a Dna. Mª Luisa Pardavila Pazos, así como a remisión do expediente ó Servicio de Montes e Industrias Forestais, que emitiu o informe preceptivo no mes de setembro de 2002.

**CUARTO.-** Cumprida e observada a tramitación legal e regulamentariamente esixida, transcurriu o preceptivo trámite de audiencia sen terse presentado alegacións.

**QUINTO.-** Visto os informes previo e preceptivo do Servicio de Montes e Industrias Forestais, o monte obxecto do presente expediente de clasificación, obedece á seguinte descripción:

**CONCELLO: PONTECALDELAS**  
**PARROQUIA: CALDELAS**  
**LUGAR: PAZOS**

**NOME DO MONTE: "Freixoeiro"**  
**Cabida:** 2 Has. (superficie alegada na solicitude)

**Lindes:**

**Norte:** Río Verdugo

**Sur:** Propiedades particulares de Manuel Martínez Rodríguez e outros

**Leste:** Estrada de Vigo e fincas particulares

**Oeste:** Río Verdugo e terreos de Hidrofreixa

### FUNDAMENTOS DE DEREITO

**Primeiro:** O Xurado Provincial de Clasificación de Montes Veciñais en Man Común é o órgano competente para coñece-los expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.

**Segundo.-** De conformidade cò artigo 1 da Lei 13/1989 do 10 de outubro, de montes veciñais en man común, e no artigo 1 do Decreto 260/1992 do 4 de setembro comprende entender por montes veciñais en man común "... os terreos radicados na Comunidade Autónoma de Galicia que con independencia da súa orixe, as súas posibilidades productivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de vecinos".



Así, segundo abundosa xurisprudencia, o feito que xustifica a clasificación ou non como veciñal dun determinado monte, en vía administrativa, é a circunstancia de terse ou non demostrado o aproveitamento consuetudinario en man común, prescindindo das cuestións relativas á propiedade e demais dereitos reais.

**Terceiro.-** O uso en man común do monte "Freixoeiro" tense suficientemente acreditado polos informes do Servicio de Montes e Industrias Forestais.

En consecuencia, vista a Lei 13/1989, do 10 de outubro de montes veciñais en man común e o seu regulamento, aprobado por Decreto 260/1992, do 4 de setembro, e demais preceptos legais e regulamentarios, de xenérica e específica aplicación ó caso examinado, propónse pola Instructora e de maneira unánime o Xurado **ACORDA:**

**CLASIFICAR como veciñal en man común o monte "Freixoeiro" a favor dos veciños do lugar de Pazos, da parroquia de Caldelas, do concello de Pontecaldelas e correspondéndose coa descrición reflectida no feito quinto e a planimetría elaborada para o efecto polo Servicio de Montes e Industrias Forestais, que forma parte inseparable da presente Resolución.**

Contra a presente Resolución que pon fin á vía administrativa, poderase interpoñer recurso de reposición con carácter potestativo perante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo perante o Xulgado do Contencioso-Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 116 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.



*[Handwritten signatures and initials]*

